



26. juli 2021

Inatsisartut suleriaasiat § 37 naapertorlugu Naalakkersuisuisunut imaattumik apeqquteqarpunga.

Naalakkersuisunut Apeqqut:

- 1. Royal Arctic Line-p qullersaqarfianniit, Nunatsinni umiarsualiveqarfiit piumaffigineqarsimapput, kranbiilersuit Containerinut kivitsissutaasartut, Targa-nut qaqitsissutigineqalaarsinnaanerat atorunnaarsinneqassasoq, tamanna Naalakkersuisuniit akuersaaginnarniarneqarnerluni?**
- 2. Illoqarfiit ilaanni, kranimik kivitsissuteqannginneq peqquataalluni, angallat Nuummut kaleqqaarneqartarnissaa avaqqunneqarsinnaanngilaq. Namminersortut akiliillutik pisortat pigisaannut attarsinnaanerat, politikikkut atuutseqqilernissaa siunertaralugu Naalakkersuisut piumassuseqarnerlutik?**

(Inatsisartuni ilaasortaq Siverth K. Heilmann, Atassut)

Tungavilersuut

Inuit qinigaattut pisussaaffiguarqarparput, Nunatta aningaasarsiorniarnarata siuariartuinnarnissaanut aqutissiuussinissarput. Pisortat namminersortullu attaveqatigiittarnerat akiliillunilu attarsinnaanerat ukiorpassuarni ajornartorsiutaasanngilaq, taamaattorli pisortat il il taarsaannerisigut, pissutsit allanngorsinnaassarneri arajutsisimanngilarput.

Qujanaqisumik sineriassuatsinni Targa-t amerliartuinnarnermikkut aningaasarsiornarup suliffissaqartitsinerullu siuariartuinnarneranut annertuumik iluaqutaapput. Ajoraluartumilli nalaassimavarput, angallat annikitsumik annertuumilluunniit iluarsisassaqqarpat qaqittariaqalerpat singittariaqalerpalluunniit, Royal Arctic Line-miit mattunneqarneq pissutaalluni, namminneq angallat kalillugu Nuuliaattariaqartalissavaat.

Tamaanna inuppassuarnut pisortalluunniit angallanneqartarnerannut pitsaasumik periarfissiisunut, annertuumik pitsaanngitsumik kinguneqartussa qinikkatut suliffeqarfiutitta akimmisaartitsiniarnerat unitsinneqartariaqarpoq. Taamaattumik Naalakkersuisut kaammattorumavakka piaarnerpaamik paaseqatigiinnissaq siunertaralugu oqaloqatigiinnissaat.